

宋

會

要

沿作沿

宋會要 軍賞

紹興三十二年六月十三日孝宗皇帝已即位未改元赦勘會沿邊諸州軍置立山水寨拒捍金人其間曾有經戰立功之人仰逐州軍并師臣監司保明聞奏當議參酌推恩昨起發兩浙東路西江東西湖南北福建路諸州軍出禁軍弓弩手赴江上諸軍使喚後來並發歸元來去處休息竊慮內有曾立戰功陣亡之人仰逐州軍從寔開具申諸大帥疾速保明推恩施行近緣軍興立功將士除已節次推恩外尚慮有在遠方未曾保明之人仰主帥疾速開具聞奏內已申奏到者疾速定賞勘會金人侵犯州縣在任官有能結集屯聚保護居民

及應副軍期錢糧無曠闕之人仰本路監司監保明以  
聞當議旌賞 三十日檢正諸房公事余時言檢詳諸  
房文書馬騏言得旨昨者視師江上應扈從及隨逐一  
行官吏軍兵諸色人等除扈從禁衛軍兵已推賞外餘  
依已降指揮並特與轉一官資仍令檢正檢詳審量實  
有職事之人依此施行勘會今來該扈從推賞之人若  
有該御營宿衛司推賞委是重疊欲依樞密行府已降  
指揮從實推賞仍令所屬照依除豁不得重疊從之  
七月十三日詔御前右軍遊奕軍統領劉端特與於見  
任右武大夫上轉忠州團練使以端言先准本司水軍  
統領日金人軍馬至瓜洲鎮端統率軍馬自鎮江府西

津渡江前去却見金人下馬報虜主元顏亮已被殺有大金都督府牒大宋三省樞密院并押到先虜去使臣張直前來投牒端拘收張直及所齎文牒渡江復回蒙楊存中特唱與端於見任右武大夫上轉忠州團練使緣行府無空頭告劄未曾書填祇授故有是命 同日淮南西路安撫司言據知安豐軍兼沿邊都巡檢使孫顯忠申躬率官兵前去沿淮等處掩殺金人又據水寨孫立等申於潁河內燒毀糧船二百餘隻及招奪到人船又兩見陣立功乞賜推恩第一等十八人第二等一百三十六人詔并特與轉一官資白身人與補守闕進勇副尉 二十八日主管侍衛馬軍司公事成閔言中

中軍統制趙搏遊奕軍統制張彥達統領皇甫侗等前去迎捍金賊已於十月十八日收復光州開具官兵等職位姓名乞推恩詔出等各特與轉兩官資第一第二第三等官屬醫官人吏轉一官資並於正名自上收使同日主管侍衛馬軍司公事閔言得旨令保明清河口及皂角林并再復泗州日在龜山夾淮實立功官兵開具等第聞奏今科量功力高下分為四等委係過江立功之人乞推恩出等二百二十一人第一等三百四十八人第二等三百一十二人第三等十四人詔出等各特與轉兩官資餘並轉一官資同日主管侍衛步軍司公事李捧言將帶策應軍馬於淮西追殺金賊過

淮及收復壽春府其官兵委有勞効乞推恩詔第一第  
等并鄉義兵各特與轉官資第二等三等并屬官入吏  
轉一官資並於正名日上收使 八月九日京西北路  
招討使吳拱言今年二月內金人再攻汝州為官兵深  
入北地結集忠義人收復永安軍并永寧福昌長水等  
縣又金人攻蔡州發統制王宣等前去確山縣為聲援  
於二月二十七日接戰解圍保明開具到實立功官兵  
共二萬五千五十四人奇功一千四十八人第二等八  
千九百八十七人第三等一萬一千七百四十七人詔  
奇功各特與轉兩官資第一等二第三等並各轉一官  
資於正職名上收使 十三日御前詣軍都統制邵宏

淵言得旨視師江上虜騎遠遁諸軍合行推賞應扈衛  
人令御營宿衛司出戍暴露人令主師開具的實人數  
聞奏今開具到諸軍出戍暴露官兵等共一萬四千四  
百三十九人詔特依已降指揮各與轉一官資於正名  
上收使 十九日詔左武大夫忠州團練使盧士閔特  
與階官上轉行一官以士閔言建炎間三立戰功蒙樞  
密行府出給公據除解圍環州已轉三官外有却寨奪  
到將官郝端及生擒金人首領郭浩翼等兩項功賞乞  
推恩故有是命 二十一日詔張進重董江各特與轉  
三官並依條回授以御前諸軍都統制李道言光化軍  
對岸茨湖出戰立功人數內統制官左武大夫張進武

功大夫董江各捐軀戮力身先士卒致釐萑全軍不能  
侵犯乞特推恩故有是詔也 同日詔朔衛大夫破敵  
軍統制郝通特與轉兩官依條回授以京西北路招討  
使吳拱言今年二月內汝州蔡州及收復永安軍實力  
功人數內郝通於黃州武昌以來照應淮西一帶防扞  
江面及應辦軍須無闕乞優異推恩故也 二十七日  
詔武功大夫御前後軍統制賈淵特與轉右武大夫以  
賈淵自陳屢出入行陣建立奇功大將劉錡張子蓋皆  
嘗給據保奏故有詔 十月七日知荆南李道言開具  
到收復汝州節次見陣及蔡州確山縣立功解圍蔡州  
并該出戍暴露賞一萬五千九百四十四人奇功效用



白身鍾延壽等九十人內鍾延壽已書填承信郎周忠顯等二十八人各已書填轉五官資第一等後軍統制董江等三千七百三十三人第二等右軍第八將正將聶青等四千五百五十六人第三等中軍副統制張進等七千五百六十五人一止該暴露賞六百三十八人軍兵韓德等八十九人中軍第三將副將郭忠信等四百五十六人訓練官孟忠溫等九十三人詔書填人依已行事理餘該出戍暴露人並特與轉一官資內奇功第一等特更與轉兩資第二等第三等特更與轉一官資九日御前諸軍都統制張子蓋奏五市月十四日石碣堰先攻衝虜陣掩殺十五日海州西北三里堰沙

沙河及新橋高橋見陣解圍海州立功官兵出等立功并傷中人各特與轉三官資內礙止法人特與轉行一官餘依條回授第一等人各特與轉兩官資內礙止法人特與轉行一官餘一官依條回授第二等第三等人並各特與轉一官資從之 十一月十五日江淮西路宣撫使張浚江淮西路宣撫判官陳俊卿言臣契勘去歲和州雖曾留選鋒軍耿下策選鋒周宏言兩軍於楊林渡與賊接戰緣係退師難以一槩推賞欲乞將兩軍奇功六百三十五人各轉一官資第一第二第三等五千六百四十五人犒設一次其餘官兵更不推賞詔依奏已降推恩指揮更不施行以右正言周操言去冬虜

騎退歸淮上諸將節次奏功數目浩瀚采石推賞尉子  
橋和州却寨推賞三項總六萬七千七百七十一人大  
將之子數人皆各叨十數官資今月二日李顯忠再申  
到和州城下立功人及西禾古楊林渡立功一萬五千  
三百人並行推賞契勘去歲十月內乃王權主兵顯忠  
此時未曾交割軍兵王權失陷和州既已貸命編管忽  
於半年之後無故添此一萬五千餘人再行陳乞其意  
謂何欲望將淮西采石推賞指揮特賜追寢詔令張浚  
陳俊卿覈實聞奏故有是命 十二月五日京東東路  
招討使李寶申昨於膠西及海州與金人見陣左從政  
郎主管羽檄軍書文字曹矩乞優異推恩得旨特與改

合入官仍更轉兩官楊存中申御營宿衛使司一行官  
屬等防托江面並依葉義問等例給賞數內左迪功郎  
衛傳右迪功郎陳昭各轉兩官吏部勘會比類軍功捕  
盜格衛傳將一官改轉左承奉郎陳昭將一官改轉右  
承務郎繼而中書舍人周必大言臣按曹岷以財雄於  
江陰方李寶膠西之捷蓋潛師涉險所致曾何羽檄軍  
書之有衛傳陳昭並為宿衛使司准備差遣閱月甚淺  
勞効可見吏部輒引葉義問續取到時與改轉指揮曲  
為申明比類軍功捕盜格何以勸有功之士從之 十  
二月詔令吏部兵部牒下三衙及諸路總領所開具自  
紹興三十一年十二月一日立功推賞之後至今降指

揮日逐離軍人數官位姓名年甲申朝廷照驗仍將今  
來臣僚奏議牒下逐處逐一子細開說的實因依結罪  
保明申取朝廷指揮施行以樞密院檢詳諸房文字沈  
樞奏去歲諸軍保明到扈衛并暴露諸色功狀母慮三  
十餘萬乞考其軍籍而為之覈實在內三衛衛下吏戶  
兵部在外駐劄諸軍下諸路總領司取索諸軍自去年  
十二月內立功推賞之後給與公據離軍人姓名逐名  
開具元到軍年月係與不係入隊帶甲人數曾無立功  
以前經本軍曆內收請幫勘并名於甚處立功乞保明  
作第幾等功賞所有離軍之時係與不係年老疾病不  
堪披帶之人故有是詔 孝宗隆興元年正月九日詔

右承奉郎劉蘊古特與轉一官以蘊古自陳昨隨樞密  
行府督視江淮荆襄軍馬結局未推恩也 二十二日  
詔將諸軍加轉官資之人開具已給付身出榜分明曉  
諭仍令糧審院自揭榜日先次接續勘行合添請給不  
得妄有除剋主兵官嚴切覺察尚敢違重作行違以都  
省言紹興三十一年以後立功將士轉官請給被合平  
人隱匿留滯故有是命 二月五日詔前中軍第七正  
將許章等管押招撫及捉獲金賊一百人并家小五百  
九十三人口赴行在訖萬里防護委是艱辛各特與轉  
一官資並於正名目上收使以利州東路安撫使司申  
故有是命 同日詔右修職郎周洽再轉兩官左迪功

郎劉甄夫添差指揮更不施行以臣寮言昨者江上諸軍功賞皆以施行其間屬官選人周洽自右修職郎改承務郎又轉承事郎劉甄夫自左迪功郎循從事郎又添差紹興府觀察推官則是循噴之後又得陞等差遣也况洽端坐於家遙領醫藥飯食官比之親冒矢石者固有間矣甄夫不由銓部不待闕次遂得轉藩藩僚啓士夫驟進之念開選人添差之塗故有是詔 十三日詔劄下三衙并駐劄諸軍仰日下出榜曉示如將校軍兵等有重叠功賞付身並限一季經本軍陳乞牒所屬改正自祇受日為始仍約束本軍合千人不得亂有阻節非理格飲乞覓錢物如有違犯在外許經都督府在

內經樞密院越訴當重作施行 二十三日詔去年海  
州三次立功人各特與轉三官資內已書填兩官資人  
更與轉一官資已書填一官資人更與轉兩官資兩次  
立功人各特與轉兩官資已書填一官資人更與轉一  
官資一次立功人各特與轉一官資並於正職名上收  
使以樞密院申去年閏二月初六日金賊侵犯海州見  
陣獲捷王剛下三等立功人自統制官以降二千四百  
五十一人張琛下一千六百四十五人四月十二日番  
賊圍合海州攻打城壁城上守禦出城鏖戰保守無虞  
三等立功并奇功王剛下三千七百三十三人張琛下  
三千六百八十九人五月十五日兩軍出城會合張子



蓋與金賊見陣掩殺解海州圍三等立功并奇功王剛  
下一千七十二人張琛下二千八十六人故有是詔

二十九日詔權發遣閬州吳擴特與轉兩官以四川宣  
撫制置司言昨虜人犯邊兩司官屬應辦軍須協贊邊  
事而擴亦有勞故也 三月二十三日詔忠義忠勇軍  
保明劉的實立功孫諒等三百八十一人內借轉兩官  
資人並特補正一官資餘一官資亦與補正一官以馬  
軍司中軍統制趙樽中前年十月統押忠義人過淮到  
蔡州東地名泔堰村逢金人蕭總管闕敵收復蔡州十  
二月一日再收復蔡州去年正月有裴滿相公圍攻州  
城遂行殺退及忠義軍副統制孫顯等前年十一月到

上蔡縣百赤村及去年正月劉柵村與金人血戰立功  
故有是詔 四月十二日都督江淮軍馬張浚言契勘  
御前諸軍都統制邵宏淵昨引兵三千人於真州六合  
縣迎遏金賊數萬之衆致揚州闔境百姓並獲濟渡本  
州見立生祠望賜褒嘉以為激勸詔邵宏淵特除正任  
承宣使 十九日詔江陰縣主簿姚槩特與循一資以  
泐海制置使李寶申昨將滯海舡到海州膠西縣唐島  
逢見金賊船六百餘隻焚毀賊舡大獲勝捷姚槩總轄  
海舡委是勤勞也 二十二日詔江南東路計度轉運  
副使向子志特復直祕閣淮南路轉運判官鍾世明特  
除直徽猷閣提舉常平茶鹽等公事莫濛江南東路轉

運判官陳良弼戶部郎中總領淮西江東軍馬錢糧李  
若川總領淮東軍馬錢糧洪造總領湖廣江西京西財  
賦王珏各特轉一官以都督江淮軍馬張浚奏宣撫司  
結局所有得力官吏今作優平兩等申奏量與減磨勘  
推恩故有是詔 二十四日樞密院言勘會諸軍立功  
將士所得轉官內礙止法人緣經戰與雜功事體輕重  
不同若令一例回授委是無以激勸今措置下項應經  
因戰內被賞所得轉官並合將所得轉官重輕轉行有收  
使不盡官候別立新功日收使如願回授者聽武功大  
夫三官轉行橫行一官舊用兩官轉五官轉行遙郡一  
官舊係三官轉已是防禦使即臨時取旨右武大夫并

見帶遙郡兩官轉行橫行一官三官轉行遙行郡一官  
已是防禦使即臨時取旨一應該暴露普轉隨軍幹事  
把隘不經戰所得轉官並合回授一因戰功落階官武  
功大夫右武大夫以上見帶遙郡人合量功力重輕除  
授謂如遙郡承宣使君若落階官却合自正任刺史以  
上除授緣除正任係特恩旌賞臨時取旨不可為例一  
陳乞收使回授轉官人自合繳連回授公據陳乞其公  
據並合毀抹一逐次功賞已經轉行人自合依元降旨  
揮謂如一賞元得指揮轉兩官以上已經行餘官自合  
依已降指揮回授將來即不合陳乞轉官一今來措置  
係紹興三十一年已後立功之人得旨依擬定其後二

年正月十二日吏部狀武功大夫王世旦乞將解圍海  
州立功重武<sup>重</sup>功大夫依指揮轉行一官本部勘會昨據  
步兵司申王世旦元係武節大夫因該出戍暴露扈衛  
賞准告轉武功大夫又因解圍海州出等轉三官又於  
武節大夫上兩官轉武功大夫一官回授公據委是重  
疊乞改正揆排出給回授施行本部備前項因依申朝  
廷改正出給轉官依條回授公據指揮未下間又據本  
人狀乞依指揮將一官於見授武功大夫上轉行內兩  
官乞依條回授本部照得元降指揮內無本人姓名難  
以一例轉行又據本人將繳到回授一官公據并將重  
疊兩官依隆興元年四月二十四日指揮於階官上轉

行本部照得本人重疊兩官已承指揮改正本部出給  
公據今來本人乞將回授一官并改正重疊兩官依指  
揮於階官轉行伏乞指揮施行勘會吏部近申武功大  
夫朱進係將三百官於遙郡上轉行一官得旨王世旦  
與依朱進例轉行遙郡一官今後一切轉三官人依此  
施行乾道六年閏五月八日詔今後並依隆興元年四  
月二十四日立定格目指揮其續降一功轉三官方與  
轉行指揮更不施行五月十九日詔王宣汝州立功  
可特除正任團練使依前主管荆湖前諸軍統制職事  
二十八日詔興元府提點刑獄李邦猷特與轉行一  
官以陝西河東路招討使司言金賊侵犯本界利州路

提刑李邦猷調發本路義士分屯守把並無透漏又應  
副糧運不擾而辦故有是詔 二十九日督視湖北京  
西路軍馬汪澈言契勘全州軍兵擅劫兵杖刃傷守臣  
一路震恐臣於出戌選鋒軍內揀選百人委步軍第一  
正將牛信將之授以方略止以廣西取馬為名掩賊不  
備其牛信措置審密將首亂之人一夕俱擒欲聖特賜  
旌賞詔牛信可授吉州刺史依前武功大夫 六月十  
九日宰執進呈臣僚劄子近宿州戰士宜被優賞如統  
制統領官不念推恩庶慰尉敢死之心上曰當歸功於  
下可催促張浚條具推賞 二十八日詔昨虜酋大軍  
臨逼江面水軍統制周明教閩人紀律嚴明未曾推

賞可特與出給料錢文曆 七月二十四日詔左軍後  
部帶甲軍兵孫俊攻取宿州率先用命執統領官范卞  
認旗涉濠首先登城用旗四向招呼官兵一發上城與  
賊血戰收復州城特授修武郎差充本軍準備將 九  
月十九日詔宿州靈壁虹縣諸軍立功官兵已降指揮  
等第推賞其五月二十四日以前先次回程人更不推  
恩訪聞其間有出力苦戰曾立奇功之人竊慮無以激  
勸可特與轉一官資餘依已降指揮仍令江淮都督府  
取索姓名覈實聞奏 二十五日吏部言主管殿前司  
公事成閔奏金人侵擾湖襄直據淮甸諸將捍禦宣力  
欲乞將統制官等四十八員并出等人合得恩數令礙



止法人特與轉行得旨該賞日礙止法人特用一官轉  
行已給回授公據令吏部繳申毀抹數內陳敏欲於階  
官上轉行又近降指揮因教閱葺治有勞於遙郡上轉  
行一官即於右武大夫成州團練使上轉拱衛大夫從  
之 十月六日戶部言江淮都督府關勘會已降指揮  
諸軍靈璧虹縣立功官兵先次等第推賞今來諸軍見  
調發出戍欲乞朝廷給降付身赴逐軍俵散其已授轉  
官資付身人不候科降先<sup>次</sup>放行添破請給本部欲下淮  
東西路統領所將立功官兵轉添請給之人如委是詣  
實即先次放行合添破請給從之 十五日詔令諸軍  
主帥將重疊補轉之人取索付身開具保明繳申尚書

省給改付身其合得請給在內令戶部在外仰統領所  
照驗付身不候科降先次放行以都省劄子言軍事立  
功官兵並據憑元保明功狀推恩給降付身了當其間  
有因別賞補轉及磨勘重疊出給付身之人有司拘文  
致礙批放請給故有是詔 二年二月二十五日樞密  
院言勘會鎮江府駐劄御前後軍統領王佐昨於皂角  
林策應員瑋與金人戮力鬪敵立功異衆雖已轉兩官  
尚慮未稱旌別之意詔王佐特與於橫行上轉行一官  
三月二十七日德音應盜賊竊發逐處軍民曾因捕  
盜實有勞効帥守監司未曾保奏或雖保奏而未經推  
恩及應官吏軍兵等因捕賊勢力不加歿於王事並仰

本路安撫提刑司保明詣實以聞當議量功力推恩或  
給復其家 五月十七日兼權中書舍人何備奏比年  
諸軍奏功人數十萬計臣謂暴露一切推賞最為無謂  
上曰朕近日曰不推暴露賞所以犒賞正欲親勞將士  
給散錢帛 七月八日臣僚言去夏符離之役士卒効  
死屢以捷聞八月下詔俾有司第士卒之功行賞有差  
而隊將以上則曰候過防秋取旨蓋貫其前愆而責其  
後効欲望特降詔旨凡將佐之在符離有不曾遁逃檢  
會推賞後來秋間別無勞効者一槩寢賞候立到新功  
而後加寵獎從之 二十七日詔諸軍整會重疊功賞  
已納綾紙錢者今來別給告命可免再納 九月十九

日詔李進特與橫行上轉行一官郭剛特與除遙郡刺史以進等昨於皂角林戰陣緣係奇功各轉七官無合填告命止給公據轉兩官至是淮東宣諭使司保明來上乞行貼轉故也 十月五日詔陳敏與遙郡上轉行一官改差知高郵軍范榮與轉一官魏勝轉兩官改差知楚州胡明夏俊各轉一官拱衛大夫陳敏可特授忠州防禦使右武大夫范榮可特授忠州防禦使武功大夫魏勝可特授右武大夫武翼大夫胡明可特授武經大夫武經郎夏俊可特授武節郎皆以控制外侮軍聲甚張故有是命 十一月十五日詔自隆興元年七月以後至今年四月以前諸軍差發出戍官兵暴露勞苦

除已曾因功轉兩官資人外並特與轉一官資於正職  
名上校使兼擬止法人依條回授白身民義兵依陝西效  
用法補歸正人依自来條例施行仍令逐軍主帥開具  
職位姓名保明申三省樞密院 十九日詔令三省衙  
并在外諸軍主帥子細契勘除已供申陣亡人數外如  
實有漏落未保明之人開具申三省樞密院推恩不得  
重疊泛濫仍令吏部將已申到人數疾速照應新格擬  
申及出榜曉諭 閏十一月二日詔後軍統制官崔羣  
特除正任觀察使以主管侍衛步軍司公事郭振申審  
賊大隊人馬侵犯六合縣崔羣率先引眾破敵大獲勝  
捷已賞文金一百兩銀一千兩給賜牙牌特除正任觀

察使乞給降告故有是詔 十四日詔左軍第二將借

補進義副尉李成白身忠義効用秦飛告首王世隆作

遇各特與轉七官資令總領所各支錢五百貫文仍與

本任陞擢差遣 乾道元年正月一日敕應賞給除諸

軍已先次支給外其餘未經支賜人可依格例指揮支

給 七日詔郭振因守六合忠勇可嘉特與轉奉國軍

承宣使 二月二十六日陝西河東路宣撫招討使司

言都統任天錫分遣統領張延等與金人交戰捉到女

真驃馬等乞推賞詔任天錫於階官上轉翊衛大夫依

前遷郡禦使 三月九日主管兵馬司公事張守忠申

到官橋立功官兵出等奇功統領官劉進等二十一人

第一等正將王成等一千四百八十八人乞推恩詔出  
等奇功各特與轉兩官資第一等各特與轉一官資  
十七日廣南東路經畧安撫司奏去年湖南英韶州管  
下莽山峒等處兇賊作過韶州通判權英州盧沂統率  
官兵用弓箭攢射其賊遁走保全一州欲望特與優加  
旌賞詔盧沂特與轉兩官差知英州填見闕立功人令  
廣東帥憲司開具保明聞奏 四月二十五日詔知肇  
慶府王衣與轉兩官以廣東路經畧保奏捉獲兇賊劉  
十二等故有是命 六月八日詔內外諸軍立功官兵  
有重疊轉授官資付身之人雖有指揮許立限陳乞改  
正緣有司取會留滯動經歲月未能早霑恩命並仰類

聚申乞改正仍令所屬催督給附付身合給告并降宣  
命人亦仰所屬即時申奏仍依揀汰官兵三衙差使臣  
管押赴逐軍主帥當官給散 八月二十二日詔諸軍  
功賞付身今後令樞密院差使臣管押赴總領所交割  
仰總領官同主帥當官點名給散將不係本軍或改撥  
軍并事故無家屬及逃亡人付身開具單申姓名繳申  
三省樞密院其陣亡人贈告恩澤公據如家累已離本  
軍依此施行不係總領官置司去處即仰總領所差人  
分送逐州臣同主典官依此給散 二十七日湖南路  
提刑司言鄂州駐劄御前水軍統制楊欽統率大軍討  
捕宜章克賊至莽山何家洞生擒到賊首李金等詔楊



欽特與轉三官內兩官於遙郡止轉行一官於階官上  
轉行湖南安撫司統制官田寶陳海各轉兩官內一官  
轉行遙郡一官回授其後二年三月十四日詔楊欽特  
更於橫行上轉行兩官田寶陳海各特更轉一官并將  
回授一官並於橫行上轉行其餘官兵出等與轉三官  
資第一等兩官資第二等一官資仍減三歲年磨勘第  
三等一官資仍減二年磨勘礙止法人轉行是月三十  
日執政汪澈等奏御寇已平官兵功賞已差人發去如  
帥臣監司亦合推賞上曰知潭州劉珙可與敷文閣直  
學士廣西提刑鄭安恭可與祕閣修撰王彥洪石敦義  
各與初等職名 十月二十九日詔命官殺獲賊二名

減一年磨勘五名減二年磨勘七名減三年磨勘十名  
轉一官諸色人二名與補一資五名轉兩資七名轉三  
資十名轉四資 二年正月十日詔武顯大夫邊元昔  
在宿州力戰忠勇可嘉特除貴州刺史 二十一日詔  
壽春府守臣吳超於橫行上與轉行一官以總領楊俊  
言淮西諸州出戍軍馬錢糧唯濠州壽春府道里回遠  
最為勞費吳超和糴未斛應副支遣故有是詔 四月  
十二日臣僚言諸軍功賞內有漏落差錯重叠陳乞改  
正換給之人其當行人沮難留滯以致遷延歲月欲乞  
立限五日置簿勾銷如有違滯許從糾舉施行從之  
八月二十四日詔諸軍將士曾與金人接戰及守御立

功之人離軍到部一槩注授差遣其間功效顯著之人  
例皆衆同差注委是無以甄別今將戰功顯著去處共  
一十三項立定格目明州城下大儀鎮殺金平和尚原  
順昌府已上共五處依紹興十年九月二十二日指揮  
李寶密州膠西唐島劉琦楊州皂角林王琪張振等建  
建康府采石渡邵宏淵真州胥浦橋吳拱李道光化軍  
茨湖張子蓋解圍海州趙樽蔡州王宣確山已上八處  
依紹興三十一年十一月十七日指揮紹興十年九月  
二十二日指揮明州城下大儀鎮殺金平和尚原見陳  
立功人並依戰功材武紹興三十一年十一月十七日  
指揮應諸軍等將士但與金虜戰鬪并守禦立功人並

與理為戰功 三年六月二十一日詔四川見從軍官  
兵未換付身昨已展限一年換給合將限滿更與展限  
一年陣亡之家收使恩澤合赴行在陳乞多有無力之  
人理宜優恤今繳公據經宣撫陳乞從本司將所陳承  
受之人照所得恩澤先次出給照劄與補合得名目繳  
申朝廷給降付身若本家無本宗人承受依行在諸軍  
見行指揮與不理選限將仕郎助教紫衣師號對換從  
四川宣撫使虞允文之請也 十一月十三日四川宣  
撫使虞允文奏四川駐劄御前諸軍官兵昨來於諸處  
經戰立功所授付身姓字官資職名往往差錯欲乞將  
上件大轉官資合行敦減及偏傍姓名差錯付身之人

從本司驗實一面批跨付身改正遞減合得官資給付  
訖類申朝廷庶幾積年無力赴訴之人早得明白於日  
後補轉不致有礙從之 乾道四年二月七日吏部侍  
郎周璫言本部昨據江州申據武功大夫高力狀乞將  
隨戚方出閔南陽尚春秋山等處立功得轉一官礙止  
法吏部公據乞回授與男彥歌於見今承節郎上收使  
轉行照得該賞日已轉武功大夫係礙止法之人其公  
據內不曾聲說依條回授今來若不行回授又無許轉  
行之文乞特賜指揮下部遵守施行詔許回授今後礙  
止法人依此 六月十五日詔放履正大夫安德軍承  
宣使傅忠信於紹興三十二年三月德順軍與金人見

陣立功得轉一官緣礙止法於元降推恩指揮合行回授日後更有似此生前見陣立功已得旨轉官許回授之人亦依此施行 五年正月三日詔殿前司水軍統領官夏聚部帶兵船入海捕獲海賊特與轉一官更減二年磨勘從知明州張津請也 三月二十八日詔脩武郎鄭達可特授敦武郎以本人自備海船一隻面闊一丈三尺自備梢手工具器械於乾道二年七月內前去江平府許浦擺泊防托乞依賞格轉官故有是命十一月一日權發遣隨州胡明申先措置擒捕桐栢山賊首謝璋等一十七人所有捕賊官兵實曾戮力戰鬪四十七人分作三等伏望推恩詔第一第二等各特與

補轉一官資其借補人令所屬先次出給公據候將來  
補正日依今來資數收使白身人依陝西効用法補授  
第三等令本州犒設一次 六年四月二日詔諸軍暴  
露立功等轉資大教拍試轉資將校拈香恩澤川廣買  
馬賞兩淮捉獲私渡賞人戶起發海船賞軍兵防托海  
道賞諸州軍造鐵甲賞土豪召募彊壯賞應前件賞格  
比附勞績應賞並以三年為限川廣展一年仍以文字  
到省部日為限以樞密院檢詳諸房文字張敦實言國  
家推恩立賞又為年限之法如大禮奏薦在京以一月  
在外以二月為限陣亡恩澤以十七年為限遺表致仕  
以十年為限勞績應賞以三年為限歸明恩澤以七年

為限非遇大禮應蔭補陳乞恩澤以五年為限出限釐  
革不在受理惟中興以來諸軍立功等賞未有立定年  
限故有是命 同日兵部申勘會先因軍興立功補授  
勳以千計其所授付身空下鄉貫父名令本軍一面書  
填給付近來有續陳乞轉資差違之人繳到元給付身  
其間鄉貫父名依舊並不書填兼恐有同姓名之人湊  
合收使接脚承代既無鄉貫父名年甲本部無從勘驗  
兼目今在部陳乞功賞已得指揮許與轉補之人欲乞  
取索家狀書填出給付身如陳乞人身不在此即先次  
出給公據繳牒本處收管取索本人鄉貫父名年甲開  
具保明供申以憑換補付身施行一今後諸處保明到



功賞並要連粘家狀如或功狀內人數稍多難以一一連粘家狀欲令逐名下畧載本貫父名年甲供申一本部日前已給過空闕鄉貫父名年甲付身如目今未曾書填之人欲令所在官司以指揮到日曉示各令賣所授付身經官批鑒陳乞書填月日給付自後應官司並不得將空闕文帖供申已上三項或有忘記父名之人即將父行第書填兵級亦欲依此施行從之 七年正月三日詔令三衙并所屬曹部今後遇官兵收使轉寄及改正重疊差錯並仰先次取會元承授申到功狀及降下敕黃去處子細點對於內有無姓名同異職次候報到從官吏保明所繳文帖公據委無昨冒申明朝廷

追義文官辨驗印託真偽方得施行仍自今降指揮始  
日前功賞限一季行遣盡絕出限更不收使其日後功  
賞有合出給轉資公據文帖之人並未得便行給付仰  
繳申樞密委都承檢詳置合同簿立號用印押訖行下  
所屬給付候收使日鑿簿銷鑿方行出給付身內合授  
文帖之人仰所屬照驗都承檢詳已批鑿印押字號方  
得施行請給職次人數申樞密院如稍有違戾取旨重  
作施行以樞密院言勘會諸處申到官兵收使日前功  
賞給~~付~~轉資公據并改正重疊及錯差文帖止據所申  
便作使行往往年歲深遠並不照對元申功狀及教黃  
內有無姓名同異職次又無立定期限近緣步軍司人

吏偽造軍兵文帖已送所屬根究施行外理宜措置故  
有是詔 二月十四日敕勅會諸軍將校緣功賞合轉  
承信郎偶不曾繳到付身及綾紙錢米鈔及差滿三代  
名諱致妨給告止出職官公據後來因軍恩或他賞已  
轉承信郎以上方行陳乞吏部却引用八資法比折減  
三年磨勘甚失當時立法之意如有似此之人仰吏部  
特與作一官資轉行 三月三日詔昨來戰鬪立戰功  
士隨其功賞次數等第推恩今累年而內外諸軍所授  
付身尚有陳乞重疊在內令三衙在外委逐軍主帥限  
半月躬親根刷本軍所授付身重疊之人畫一類聚不  
得漏落保明申朝廷改正如限內不行申發仰被賞之

人赴朝廷越訴將當職官取旨施行合千人吏重行決配四月二日詔部押神武人兵郭諤王彥并將司鑒人白直王鐸等二十三人各特與轉一官於正名目內收使內諸色人軍兵並比附不因本職轉資條例減半支賜令戶部支給以王琪言郭諤等部押神武三百人并老小共七百餘口赴殿前司交割了當乞推賞故有是命六月八日詔殿前馬步軍司江上諸軍四川諸軍諸路州軍將收使轉資人數令所屬契勘元陳乞日在限內並一月行遣盡絕其有未陳乞人內三衙再限一季江上諸軍并諸州軍廂禁止土軍再限半年四川諸軍再限一年陳乞施行出限更不收使以樞密院言

已降指揮三衙兵江上諸軍收使轉資定限一年內類聚一併保明繳申樞密出限更不收使續承指揮限一季今已限滿尚不住據三衙等處申到乞收使改正之人其間多是元陳乞日在立定限內緣道路往來所屬取會遲延致出元限故有是詔 二十四日詔將一十三處戰功顯著之人已經添差滿罷未著注授戡廟與差注戡廟一次已曾差注戡廟別無差遣與差破格戡廟一次其破格戡廟依正差戡廟請給料錢並行減半仍令吏部分定逐州軍員闕施行後九月二十四日吏部分定逐州員闕十三處經戰并守禦立功得轉官資之人並與差注戡廟差遣除見循環使闕差注大小使

郭字下大與  
原缺二字

臣嶽廟窠闕即無破格嶽廟窠闕今措置每州軍吏各  
添置破格嶽廟窠闕二員專差曾經十三處戰功大小  
使臣校尉指射減半請給依條到部較量差注從本部  
闕今來係初置前項嶽廟窠闕候已差下人到任再行  
使闕召官指射餘乞本部見行條法指揮施行從之  
十月三日宰執進呈殿步司增加斗力激賞人數虞允  
文奏曰兩司事藝升進者千餘人所費不過七十餘貫  
昨有賜金垵者軍中歡呼無不歆豔上曰聞其載垵衆  
馬而歸道路聚觀如此見者必勤矣 八年二月四日  
樞密院言四川宣撫司差郭成光延并一行人兵部押  
西兵到行在詔各特與轉一官於正名目上收使內諸

色人軍兵並比附不因本職轉資條例減半支賜令戶部支給三月二十三日詔時俊按閱西路禁軍職事有勞特與復龍神衛四廟都指揮使四月八日詔春季拍試事藝最高疆人王守信王昇合各特與補轉兩資蓋良臣蔣允中曹安繆立王周劉辛王允各特與補轉一官資虞允文等曰除事藝最高之人外尚有增加斗力四十餘人若果有許多人須將本司兵官等畧與推恩上曰所奏甚善軍中既有激賞人人肯學事藝何患軍政不脩若更本軍官亦復推賞尤見激勵若拍試了日以此遍劄在外諸軍咸使知之五月二十六日詔荆開軍解發到義勇總首王昇副總首孫奇副撥發馬

紳依元解發弓弩斗力試驗合格王昇特與補進義副  
尉孫奇馬紳各特與補守闕進勇副尉 六月八日詔  
軍班換授有立功奸照之人與依軍功格法補授于軍  
分職名上除豁八貫功出身外後來立功去處與比附  
作使臣立功次數施行以吏部申據武功大夫殿前司  
部將賀福狀元係白身節次立功轉授武經郎今來合  
該陞改外任將任軍職日立到戰功比附轉承郎信以後  
挨排立功次數施行照得元除指揮乞陞帶用自轉承信  
郎并以後立功轉官理非次數以立功多寡合入路分  
從朝廷依格注擬竊詳係効用格法轉授小使臣之人  
其軍班換授出身之人所有未換授以前與金人見陣



立功轉資即無許理作次數之文本部以換授使臣立功次數陞帶今來若將軍班出身未換授以前立功勞効不作立功次數入緣亦係與金人見陣或討湯賊馬等立功故有是命 九月二日樞密院言勘會諸軍將佐在軍陞帶差遣若遇罷軍合隨元帶路分改作添差前去之任緣諸軍駐劄去處與所帶路分雖有格法其間立功最多却有地理遙遠不一理宜別行措置詔並依今後諸軍陞帶差遣依此施行其已有隨帶離軍人令本軍開具立功次數同歷任脚錄付白身申樞密院給降付身今措置下項一三衙平江府御前水軍同立功五次以上兩浙西路立功四次三次兩浙東路立功兩

次以下福建路一建康府駐劄御前軍池州駐劄御前  
軍同立功五次以上江南東路立功四次三次江南西  
路立功兩次以下荆湖北路一鎮江府駐劄御前軍立  
功五次以上兩浙西路立功四次三次淮南東西路立  
功兩次以下福建路一江州駐劄御前軍立功五次以  
上江南西路立功四次三次江南東路立功兩次以下  
荆湖南路一鄂州駐劄御前軍荆南駐劄御前軍同立功  
五次以上荆湖北路立功四次三次荆湖南路立功兩  
次以下并廣東路一武鋒軍立功五次以上淮南東路  
立功四次三次淮南西路立功兩次以下荆湖北路故  
有是命 十八日四川宣撫制置使司奏昨金賊與官

軍對壘節次調發軍馬大戰並獲全勝隨軍轉運司官  
屬孫顥等二十九人應辦大軍錢糧乞特賜推恩詔特  
並依內趙不器特與改合入官其餘選人并未出官人  
比類施行右迪功郎楊楸咸一年磨勘比類合循一資  
九年三月六日宰執進呈福建路安撫司差修武郎  
本路都監周忠厚等管押八州軍第一番起發禁弓弩  
手二十四十八人已到赴忠銳軍收管公路並無搔擾  
理官激賞上曰若使職事不前宜即被罪今既無擾當  
推恩庶幾可以激勵後人福州守臣是誰梁克家等奏  
曰見係提刑呂企中兼權知起發軍兵盡是企中津遣  
上曰亦宜旌賞可于職名上陞轉有旨統轄官與轉一

官正副將各減三年磨勘並候任滿與陞等差遣撥發訓練官並減二年磨勘統轄將司都教頭押教指教並與依押兵人例令在藏南庫各支犒設一十五貫文

### 續會要

淳熙二年閏九月十六日宰執進呈收捕江西茶寇陣亡官兵上曰可依乾道二年收捕李金陣亡人例推恩行下合屬去處限五日契勘開具的實陣歿因依及人數職次姓名結罪保明以聞不得重疊漏落徇情泛濫同日詔武功大夫以上因與金人見陣或收捕盜賊立功并擒扼暴露恩賞等礙止法轉官給到吏部回授公據人許于見今遞減官上收使改轉

從吏部請也

二

十四日上謂輔臣曰江西茶寇已勦除蓋皇甫侗雖有  
有節制指揮未及入境辛弃疾已有成功當議優與職  
名以示激勸自餘立功人可次第推賞 二十六日詔  
兩浙福建江東路諸州守臣因起發禁軍土兵赴逐處  
教閱並等第轉官及遞減磨勘內礙止法人特與回授  
是日因進呈諸處發人數上謂輔臣曰諸郡帥守應副  
錢糧整備器械部轄在道不擾而辦宜與遷官推恩乃  
有是命 二十七日詔江東路諸州軍所差管押禁軍  
土兵赴建康教閱官共二十七人沿路並無騷擾各與  
減磨勘有差內礙止法人令在藏南庫支會子二百貫  
從樞密院請也 同日降授武功大夫吉州刺史充荆鄂

駐劄御前諸軍都統制鄂州駐劄李川叙復團練使是日因執政進呈李川奏勅統制解彥詳統領梁嘉謀張興嗣等收捕茶寇弛慢不職上謂輔臣曰人多庇其部曲不能盡公李川奏勅之章獨能體國此為可嘉與叙復團練使蓋欲激勵諸將使之赴功也 十一月二日

詔昨因收捕茶寇陣亡有家累官兵依收捕李金陣亡人例並與批勘金分請給一年其中重傷柵中身死官兵特與批勘金分請給半年 從御前諸軍都統制李川請也 三年六月三十日詔江西收捕茶寇官兵將當陣手戮賊級并親捕獲賊徒及隨黃倬入賊寨說諭人各與轉一官資于正職名上收使餘令帥司各支折資錢

三十貫文陣亡人依例推恩

七月十七日詔推鋒軍

昨捕茶寇經戰官兵共七百五人首先入賊寨立功并

當陣首戮賊級及躬親捕獲賊徒人各特與轉補兩官

資曾經戰陣殺退賊徒第一等官兵特與轉一官資並

于正職名上收使陣前金鼓手第二等官兵各支折錢

三十貫文內陣亡人依例推恩從知廣州府自強請也

九月十四日詔殺獲倭賊姚明數等官兵立奇功人各

特轉補兩官資第一等特轉一官資白身人依陝西効

用法補授第二等有官資各特減三年磨勘無官資不

願轉資人各支犒設一次從湖州提刑周嗣武請也四

年五月二十五日詔邕州巡檢朱興祖轉一官傳克復

減二年磨勘並與陞等差遣以授獲邕州洞賊凌謚功

也十一月七日詔殿前兩軍統制統領官六人各特轉

一官更減二年磨勘正副將二十二人各賜一十兩金

洈二隻銀五十兩準備將一十一名各賜銀一百兩步

軍司三軍統制統領官十人各特轉一官更減二年磨

勘正副將一十五人各賜一十兩金洈二隻銀五十兩

準備將六人各賜銀一百兩其金銀並自內降出以軍

政嚴肅故有是賜五年八月十七日詔文州經戰官兵

二百四十五人內竇彥賜等三人張順等二人減二年

磨勘土軍義兵張歡等二百四十人擣設一次從四川

安撫使吳玠奏也六年七月十二日詔湖南安撫司收



卷之六

捕陳峒等賊徒官兵馮湛以下十四人各等第轉官出

等奇功人轉兩官資奇功轉一官資減三年磨勘軍効

磨勘比類折錢第一等與轉一官第二等支錢三十貫

第三等土軍弓手犒設一次從知潭州王佐請也九月

十八日詔光州捕獲蔡州確山賊人曹斌等統領官張

孝忠等九人等第轉資賜錢銀有差七年正月十二

日詔收捕李接賊徒立功官兵沙世聖以下等第推恩

犒賞有差從知靜江府劉輝請也九年二月二十八日

詔掩捕盜賊許浦水軍將官王彥舉特減三年磨勘効

用林壽特補進勇副尉輕重傷人令殿前司等第犒設

六月二十七日詔收獲沈師左翼軍立功人賴顯等

七人各特轉補一資白身人依八資法補授從建建帥

憲司請也

七月二十五日詔張善特轉兩官先是右諫

議大夫黃洽言廣東經畧司已將沈師等賊徒處斷訖  
兇徒嘯聚至殺官兵固當萬死然誘而降之降而殺之  
二者皆非也且以數十之兵躡數十之窮賊方其困蹙  
時果能併力擒滅固有常典賞在必行今也不然豈容  
輕賞乞將官軍之暴露若殺傷者反死事者當依次第  
優恤及褒贈恩澤其鞏湘張喜但可賞罪欲更不議賞  
從之其後殿前副都指揮使郭缺言統制官張喜昨收  
捕沈師緣張喜不敢失旗榜之信所以解赴帥司其帥  
行遣于喜無與今因鞏湘殺降一例未蒙推恩竊慮緩

急無以勸効死之士故有是命

十年五月二十五日

詔福州興化軍都巡檢使姜特立特轉兩官沿海制置使司水軍統制林文特與巡郡上轉行一官水軍副將董珍等一十一人各轉資有差王彥三百九人各與犒設內明州水軍令本州于上供錢內<sup>撥</sup>錢四十貫充賞先是海寇丁大等作過兩軍殺獲有功至是<sup>因</sup>經畧制置司之請乃有是命 十一<sup>月</sup>六月十四日詔延祥寨副統領高石特轉兩官以捕獲海寇從知福州趙汝愚之請也 八月二十<sup>七日</sup>日詔沙世堅特轉一官減三年磨勘官兵李道等推<sup>恩</sup>有差廣西經畧安撫司言宜州管下安化蠻人蒙先漸等出犯省地作過遣發官兵措

置收捕殺死蠻賊生擒蒙績收復思立寨所有立功官  
兵權發遣廣西兵馬銓轄 堅等及陣亡中傷將士  
乞推恩故有是命 十月九日詔鎮江前軍步軍第二  
將正將康寧馬軍行司中軍副將仇宗約建康右軍副  
將楊法各特減二磨<sup>年</sup>勘支犒設銀三十兩鎮江左軍步  
軍第一將準備將張興忠馬軍正將杜顯祖建康府水軍  
正將李明各犒設銀五十兩以樞密院審察承旨司拍  
試合格故也先是六月一日詔諸軍陞差蓋擇將之根  
本必有智勇勞效乃能服衆今後宜精加選用毋得循  
習苟且仍令樞密院自準備將以上至統制官每全軍  
各為一籍逐月揭貼進入朕當間點三兩名審觀識畧

事藝隨其能否議主帥之賞罰 十二年正月十一日

詔江州右軍正將將梁卓支犒設銀三十兩以樞密院審察

拍試合格故也 同日詔權發遣福建路提點刑獄公

事延璽與帶高州刺史以汀賊姜大老平定推賞故也

二月一日詔高進特減二年磨勘商世安減一年磨

勘江州駐劄御前諸軍副都統制趙永寧言諸軍入隊

馬步軍官兵並各輪摘射射比類得後軍弓弩手射中

箭數最多及槍手牌手事藝精疆本軍統制高進統領

商世安教練有方乞賜旌別故有是命 五日詔鄂州

選鋒軍正將韓忠顯支犒設銀五十兩 以樞密院審察

拍試合格故也 五月七日詔福建左翼軍訓練官隊將

朱勝等一十五人各特與轉補一資其效用軍兵並令  
安撫司犒設一次以收捕汀賊姜大老立功推賞故也

七月二十二日權興州駐劄御前後軍統領兼成都

府路兵馬都王宗廉轉一官以制置使留正言宗廉生

致奴兒結有功故也十月十一日詔鎮江前軍正將張

顯忠前軍準備將程寔瑞並支犒設銀三十兩內寔瑞

特轉兩資江陵前軍統領傅汝楫遊奕軍權統領陶貴

後軍正將成和並特轉一官資各支盤纏錢五百貫以

樞密院審察拍試合格故也十九日詔建康府駐劄御

前軍正將劉全遊奕軍副將陳邦傑右軍準備將陳克

勤各特轉一官支銀三十兩以樞密院審察拍試合格

故也 十三年二月十一日詔摧鋒軍將領吳亮等轉資

推賞有差

以廣東經畧安撫司言擒獲潮州桃山市賊

徒故也

三月三日詔淮南東路安撫司準備將領楚州

駐劄羊友諒水軍寨措置有勞特與轉一官十日詔殿

前馬步軍司將來射射鐵梁簾人弓箭手一石二斗力

如射中鐵梁簾箭五隻與一石力射中五隻賞一同弩

手四石力如射中鐵梁簾箭四隻與三石力射中四隻

賞一同 四月三日詔金州駐劄御前諸軍前軍正將

穆永昇特轉一資支犒設銀五十兩候統領官有關申

差

以樞密院審察拍試合格故也

八日樞密院進呈四

川制置使留正言前夔州瞿塘峽口駐劄兵馬監押成

鏞昨授敘州管界同巡檢因彊寇大婆浪打劫轉戰群  
賊中力盡血迷仆于戰地頭面手臂兩腿面共有重傷  
三十二處頤頤頤頤頤頤頤頤頤頤頤頤頤頤頤頤頤  
上曰戰雖無功其忠勇敢前豈可不賞以勸戰士特與  
轉一官與都統制司計議官差遣 同日詔中樞廉弓  
箭手一石二斗力十箭弩手四石力八箭依格補兩官  
資外各特賜錢一百貫弓箭手一石力十箭以上弩手  
石力八箭以上各特補轉兩官資內弓箭手一石二斗  
力六箭五箭人依一石力弩手四石力四箭人依三石  
力推賞餘並格補轉內未填闕并額外効用並特與依  
川陝効用十資格無轉補一次其付身令所屬日下出



給并所賜錢繳申樞密院委都承同主帥就教場一併  
點名給散工部侍郎兼樞密院都承旨李昌圖殿前副  
都指揮使郭缺步軍都虞候梁師雄言拍試過前殿步  
軍司諸軍并馬軍司弓弩射射鐵垛簾合格官兵共一  
千八百四十三人故有是詔十月七日淮西總領趙汝  
誼侍衛馬軍副都指揮使雷世賢言按拍到馬軍行司  
諸軍合格二千三百八十七人十三日知平江府王希  
呂浙西提刑王尚之等言按拍到許浦水軍合格二百  
六十三人十六日淮東總領吳瑀鎮江都統制張詔等  
言按拍到鎮江諸軍弓弩手合格五千三百一十八人二  
十七日湖廣總領趙彥逾鄂州都統制郭杲淮東安撫

趙子濛武鋒軍都統制嚴先知池州潘景珪池州副都  
統制李思孝知江州趙善志江州副都統制趙永寧等  
言按拍過合格鄂州駐劄諸軍二千五百三十人池州  
駐劄諸軍六百五十七人淮東安撫司強勇軍効用効  
士七千十七人十一月七日淮西總領趙汝誼建康都  
統制郭鈞等言按拍過建康諸軍合格一萬八千五百  
六人八日知明州耿秉湖南安撫林栗等言按拍到合  
格明州水軍二百二十八人漳州飛虎軍一百八十三  
人二十五日知襄陽府高夔言按拍過江陵諸軍襄陽  
神勁軍合格五百八十八人十二月十五日知泉州林  
枏言按拍到殿前左翼軍合格九十五人二十五日湖

北安撫使趙雄江陵副都統閻世雄言按拍過江陵在  
寨諸軍并神勁軍合格九百三人十四年正月一日廣  
東提刑管鑑知韶州鄭公弼推鋒軍統制關璿言按拍  
到推鋒軍合格一十一人十八日興州駐劄都統制吳  
挺總領馮憲逐州軍知州楊緝統制官秦世輔等言按  
拍到興州等處屯駐軍合格共二千一百一十四人二  
月二十七日金州都統制田世卿權知金州秦嵩言按  
拍過本州屯駐諸軍合格二百五十四人五月二十六  
日興元府都統制彭果總領馮憲逐州軍知州閻蒼舒統  
制張誥等言按拍到興元府等處屯駐諸軍合格一千  
六百八十四人並依已降指揮推賞施行二十一日詔

射射鐵簾令下未久殿步諸軍應格者多已令等第推  
賞郭<sup>缺</sup>梁師雄訓齊有素可特與轉行一官五月十  
三日詔興州駐劄御前踏白軍統制劉大年賜錢二百  
貫以樞密院審察拍試合格故也二十四日詔建康府  
駐劄御前中軍統制劉<sup>忠</sup>特轉兩官左軍正將趙臯特轉  
一官建康府駐劄御前諸軍都統制郭鈞陞差得人可  
轉行遙郡一官以郭鈞津發到劉<sup>忠</sup>等赴樞密院審察  
拍試合格故也同日詔鎮江府駐劄御前武鋒軍統制  
嚴先馭軍有方武藝精熟特轉一官前軍統領劉震右  
軍準備將党松特支犒設銀五十兩以樞密院審察拍  
試合格故也

軍賞

續宋會要

四行以樞密院

王故也止

係上注

上以字五也

字心亦係

小注下類

此皆同

六月十四日詔池州駐劄御前右軍統制劉定轉一官  
中軍正將孔居仁減三年磨勘以樞密院審察拍試合  
格故也七月九日詔鄂州右軍統領王欽減三年磨勘  
支犒賞銀三十兩前軍副將梁執中支銀五十兩以樞  
密院審察拍試合格故也八月十七日詔金州中軍統  
制李言特轉一官仍支犒設銀五十兩以樞密院審察  
拍試合格故也九月二十八日詔知太平州張子顏減  
三年磨勘以江東安撫司言所管禁軍事藝精熟故也  
十月十七日詔興州都統司選鋒軍統領李興減三年

磨勘支牒設銀五十兩以樞密院審察拍試合格故也  
十一月七日詔馬軍行司右軍統領馮世顯特轉一官  
仍支牒設銀三十兩以樞密院拍試合格故也九日詔  
建康府駐劄御前左軍統領郭師彥特轉兩官支牒設  
錢五百貫興州駐劄御前後軍統領米忠慶特轉兩官  
差充殿前司護聖步軍統領以樞密院審察拍試合格  
故也十五日詔興州駐劄御前踏白軍統制劉大年特  
轉一官以生擒黎州土丁張伯祥等推賞故也十二月  
二十六日詔江陵府駐劄御前後軍統制趙晟特轉一  
官以樞密院審察拍試合格故也十四年四月八日詔  
金州駐劄御前軍統領田寬特轉一官支錢二百貫以

樞密院審察拍試合格故也二十四日詔興元府駐劄  
御前中軍第一將準備將周仲義減二年磨勘以樞密  
審察拍試合格故也九月十七日樞密院進呈承旨司  
拍試到鄂州統制官田舉等武藝上同田舉頗賦點到  
審察武藝俱高可轉一官更減三年磨勘郭杲陞差得  
人特於選郡上轉行一官十月四日樞密院進呈建  
康都統制郭鈞奏到高彊弓弩手王興等事藝上曰郭  
鈞留意訓練軍兵逐人帶甲射硬弓弩各一百隻箭斗  
力如此是亦難得可令承旨司拍試與補官資以示激  
勸二十三日承旨司言拍試建康統制郭鈞選擇到弓  
弩高彊子弟弓箭手王興等二十人弓弩斗力箭數並

各合格詔王興等各特補一資更支錢二十貫部押副  
將馮世顯支錢五十貫郭鈞訓練有方士卒精銳可特  
與轉一官既而郭鈞言本司副都統制閻仲職雖正副  
事實同寅乞將閻仲特賜推恩詔閻仲特減三年磨勘  
統制官每員支破五百貫統領官每員支錢三百貫餘  
依 十二月四日詔左衛將軍趙濟特與帶選郎刺史  
以前任鎮江府御前遊奕軍統制日射中鐵梁簾特轉  
一官緣礙止法自陳故有是命 十五年五月十三日  
詔趙汝誼閻仲將官壯等五百四十七人帶兩重甲射  
一石三斗力并一石二斗力弓各射箭一百隻同共按  
拍將合格人每名支稿設錢五貫殿前副都指揮使郭



鈞言建康諸軍馬軍精銳甚多於內按拍到宮旺等有  
此武藝乞下所屬拍試廢幾有以甄別故也七月二十  
一日詔建康諸軍事藝高彊弓弩手劉信等二十人各  
特補兩資支錢二十貫以樞密院審察拍試合格故也  
八月十三日詔諸軍弓箭手八斗力能陞一石力射箭  
三十隻犒賞錢五貫九斗力能陞一石力射箭三十隻  
犒賞錢五貫弩手兩石五斗力能陞三石力射箭三十  
隻犒賞錢五貫兩石七斗力能陞三石力兩石八斗力  
能陞三石一斗力射箭三十隻各犒賞錢三貫從侍衛  
步軍都虞候梁師雄之請也十二月二十三日詔諸軍  
弓箭手射遠箭每人箭六隻一百七十步每隻支犒賞

錢一貫五百一百八十步一百九十步每隻支錢三貫  
二百步每隻支錢四貫內有最遠者優賞一百七步以  
下為不合格每人支錢一貫五百弩手一百步射鐵策  
每人箭六隻一隻二隻每隻支錢一貫五百三隻四隻  
每隻支錢二貫五隻六隻每隻支錢三貫白脚每人支  
錢壹貫五百從殿前副都指揮使郭鈞侍衛步軍都虞  
侯梁師雄之請也十一月十一日詔步軍司校軍正將  
何守道支犒設一百貫以樞密院審察拍試合格故也  
十四日詔四川制置司總轄諸寨軍馬虎惠常顯魏大  
壽各轉一官餘人推賞有差以汝黎州羌賊故有是命  
二十一日詔興州遊奕軍正將馮興與轉而資以興州

都統司言收捕黎州作過土丁張伯祥等乞推賞故也  
二十九日詔鎮江都統司諸軍事藝高疆胡允文等二  
十五人各特補轉兩資支錢二十貫以樞密院審察柏  
試合格故也十二月五日詔建康都統司右軍統領雷  
彥雄減二年磨勘更支犒設錢以樞密院審察柏試合  
格故也十四日詔臨安府嚴州津遣到弓箭年將兵王  
俊等三人合格各特補一資支實有差餘不合格人令  
本處依格施行二十三日詔衢州津遣到棟中中軍  
兵弓箭手江貴等一十人承旨司柏試江貴一名合格  
特補一資餘不合格人令本州依條施行見任路鈴皇  
甫貴州鈴轄王珂各降兩官守臣表說友展三年磨勘

前任守臣福建運判沈作礪降兩官路鈐權發遣江南  
西路兵馬鈐轄孟守忠權發遣常州兵馬鈐轄俊卿各  
降一官 二十五日詔明州津發到揀中軍兵弓箭手  
張安等二十人承旨司拍試合格張安特補兩資苗舉  
等各特補一資支賞有差 二十九日殿前司步軍言  
欲將逐司槍牌刀手搭對擊刺格打贏人支錢二貫輸  
人支錢一貫從之 三十日詔趙思減二年磨勘樞密  
院言勘會摘點諸州將兵拍試武藝數內湖州人數並  
皆合格前任守臣理宜旌賞故有是命 十六年正月  
二十日詔彭椿年柳大雅各減一年磨勘樞密院進呈  
虔州解發到將兵拍試並合格兵官量與減磨勘上曰

兵官既已推賞守臣亦不可不賞故有是命 二十五  
日詔張子顏李師顏各減二年磨勘樞密院進呈承旨  
司申鎮江府解發到將兵帶甲拍試弓弩並合格上曰  
鎮江府將兵拍試乃帶射推賞更宜稍優賞外每名特  
支犒設錢十貫其守臣兵官亦合推賞故有是命 十  
六年七月二日西河州奏祐州縣所管地分界外洮州  
鐵城界訥廝結族及疊州隴通青廝逋心樓等三族蕃  
部累次出沒過過掩殺五功官兵乞行推賞從之以統  
領孫忠銳將官成世忠寨官朱晟各減三年磨勘右軍  
統領田世榮副將王鉞各轉一官身死人兵依金人見  
陣陣亡減半推恩輕重傷人犒賞有差 十月九日內

殿進呈大閱犒賞上曰今次大閱所有犒賞錢可比舊例曾十萬貫以示朕優卹之意詔郭鈞同趙濟公共照應已合教等第別例逐一鈎定增支錢數申尚書省以憑給降施行既而殿師郭鈞步師趙濟增支錢數開具下項馬步軍司諸軍舊司應管人二萬七千二百四十六人犒賞錢乞降一十二萬二千八百九十貫馬軍司一千八十一人計四千四百九十貫在寨一千五十二人計四千四百三十八貫五百文擺列五百八十八人計三千三百五十二貫正帶甲五百一十六人計三千一百貫準備將一員錢一十貫軍兵五百一十五人各元五貫今增一貫計三千九十貫輜重火頭七十二人

各元三貫今增五百文計二百五十二貫不赴教存留  
在寨潛火等四百六十四人計一千八十六貫五百文  
準備帶甲一百人輜重火頭七十人計一百七十八人各  
元三貫今增五百文計五百九十五貫陸外二百九十  
一人各元一貫今增五百文計四百三十六貫五百文  
屬官三員計錢五十五貫幹辦公事一員錢二十貫典  
檢醫藥飯食一員二十貫準備差使一員錢一十五貫  
差出二十九人係押會子綱等計五十一貫輜重火頭  
八人各元二貫今增五百文計二十貫隊外二十一人  
各元一貫今增五百文計三十一貫五百文 二十三  
日詔封樁庫支會子二萬貫付浙西提刑袁說友等第

支散平江府許浦水軍支會子一萬貫付浙東提舉鄭  
湜支散定海水軍如有散不盡錢仰均給士卒候畢具  
已給散文狀申三省樞密院 紹熙元年七月七日詔  
池州右軍統制劉定特與將武顯郎依舊歸軍以殿前  
副都指揮使郭鈞考試到武藝合格故有是命 八月  
十一日前知橫州孟舜良言兩廣去朝廷萬里之遠往  
者燕人猖獗調發騷動及妖孽既平帶甲荷戈萬死一  
生者俱無寸賞而居列肆曳華裾或主將因親之族或  
帥臣狎熟之吏目未嘗覩旌旗耳未嘗聞金鼓皆冒奇  
功而受上賞介冑之士鬱鬱不平至今未釋也乞下廣  
西經畧司如日後遇有收捕盜賊攢功奏賞之時嚴加



覈實或主師將當行官吏輒敢仍前為已私恩竄名奏  
功許人陳首皆以欺君罔上論其罪從之十二月十二  
日宰執進呈郭杲奏收人材從軍葛邲奏云自不用兵  
後无非泛推賞軍中有官人極少如訓練官等皆不得  
差白身人胡晉臣奏曰見諸軍流比年因用射鐵簾推  
賞徃徃多轉得一兩資此亦是作成人材之一端上曰  
鐵簾不難射此法亦甚濫若專以武藝精熟推賞却庶  
幾卿等試以措置將上 二年八月十六日宰執奏事  
上曰昨所引兩兵官其侯興在軍中年深頗能諳練董  
世興亦平平爾侯興與轉一官賜五百緡董世興只賜  
錢五百緡候本軍有統制官與陞差 三年四月七日

詔殿前步軍司拍試弓弩鎗手合格人已降指揮補轉  
兩資其額外效用特與依射鐵垛簾作川陝效用十資  
格法補轉一次內有元係白身額外效用今已撥充正  
額效用合依正額效用八資法補轉如元係額外效用  
因射鐵簾賞作川陝效用十資法補轉守闕進勇副尉  
上轉守闕進勇副尉今來已撥充正額效用格法於守  
闕進勇副尉上轉兩資十一月二十四日詔瀘州軍兵  
聚衆作過殺害帥臣張孝芳等殺獲賊首軍兵卞進等  
各特補轉官資犒賞有差從四川安撫制置使京鏜請  
也 四年九月十七日詔特添差東南第二副將楚州  
駐劄魏昌特轉一官其招到效用常切如法教閱務要

武藝精熟以守臣陳損之言其教習効用紀律嚴乞加  
旌擢故也